

He Waiata Mā Te Whānau



**TE REO IRIRANGI O
NGĀTI KAHUNGUNU**
765AM & 94.3FM

- 1. Haere mai te manuhiri, haere mai**
Haere mai te manuhiri, haere mai
Nō runga te manuhiri, nō raro te manuhiri
Nō te tī, nō te tā, hei ha.

- 2. Utaina mai ngā waka, ngā waka o te motu**
Utaina mai ngā waka, ngā waka o te motu
Tōia mai ra ki uta, ki te takotoranga
Hiki nuku hiki e, hiki rangi rangi e
Tēnā, tēnā rā koutou katoa

- 3. Haere mai rā, haere mai rā, tēnā rā koutou katoa**
Haere mai rā, haere mai rā
Tēnā rā koutou katoa
E ngā iwi nui tonu rā, tēnā rā koutou katoa

- 4. Tōia mai te waka nei, kumea mai te waka nei**
Tōia mai te waka nei, kumea mai te waka nei
ki te takotoranga i takoto ai
Tiriti te mana motuhake
Te tangi a te manu nei, Pipiwharauoa
Kui kui kui, whiti whiti ora
Hui e taiki e

- 5. Tōia mai ngā waka e te iwi e , hoea hoea rā**
Tōia mai ngā waka e te iwi e , hoea hoea rā
Aotea, Tainui, Kurahaupo, hoea hoea rā
Tōia mai ngā waka e te iwi e hoea hoea rā
Mataatua, Te Arawa, Takitimu, Tokomaru
Hoea hoea rā

Hoea rā te waka nei, hoea hoea ki te pae
Mā te hoe e karawhiu kia rere tika ai

Haere mai e hine mā, me ngā taonga o te wā
He reo karanga i katoa, haere mai ki au

Hoea rā te waka nei, hoea hoea ki te pae
Mā te hoe e karawhiu kia rere tika ai

- 6. Tēnā koutou e hoa mā, kua tae mai nei**
Tēnā koutou e hoa mā, kua tae mai nei i tēnei rā
Nō reira rā e hoa mā, kia ora rā koutou katoa
Kua rongu hoki ahau (3x)
Kei te haere mai koutou
Nō reiera rā e hoa mā kia ora rā koutou katoa



**TE REO IRIRANGI O
NGĀTI KAHUNGUNU**
765AM & 94.3FM

7. Haere mai, haere mai e ngā iwi e

Haere mai (haere mai), Haere mai (haere mai)
E ngā iwi e, haere mai ki runga o te marae
Hui mai (hui mai) tātau (tātau) katoa
E hine mā, (e hine mā) E tama mā (e tama ma)
Hapaingia o te mana Māori e, a hi hi hi hā
Kia rewa ki runga rawa i a ha ha
E ngā iwi e haere mai, haere mai

8. Pā mai to re o aroha

Tahi miti toru e tae te marumaru
Whare tapu teitei
Haere mai, haere mai
Pā mai to reo aroha ki te pā o ngā tīpuna
E ngā iwi o Aotearoa, haere mai, haere mai
Titiro ki ngā hoia kua wehe nei
Aue te aroha me te mamae
E ngā iwi o Aotearoa, haere mai, haere mai
(Tahi miti toru e tae te marumaru
Whare tapu teitie, te ao korowhiti)
Haere mai, haere mai
(Kia kaha, kia manawanui)

9. Whakarongo ake au ki te tangi a te manu

Whakarongo ake au ki te tangi a te manu
E rere runga rawa e
Tui, tui tui tuia, tuia i runga tuia i raro
Tuia i roto, tuia i waho tui tui tuia
Kia rongō te ao, kia rongō te pō
Tui, tui tuia
Tihei mauri ora, hi!

10. Taku patu, taku patu Māori mana motuhake

Taku patu, taku patu Māori mana motuhake (2x)
Taku ihi, taku ihi, taku wanawana (2x)
Taku tū, taku tū, taku hikoi (2x)
Aue kei hinga au e, kei mate au e taku roopu haka (2x)
Hi aue hi!



**TE REO IRIRANGI O
NGĀTI KAHUNGUNU**

765AM & 94.3FM

11. Whakaronga ake au ki te tangi a te manu

Whakaronga ake au ki te tangi a te manu
I runga i te rangi e, e karanga mai ana
Nō whea tō mana e te iwi Māori e?
E koe e manu i runga i te rangi
Tēnā whakarongo mai
Ko te mana i ahau nō aku tīpuna
Nō tuawhakarere e
Hi aue hi, hi aue ha!
Hi aue ha he hi ho hu
Kei runga kei raro (kss) auahi ana
Ka rawe taku nei mahi (aue)
Ko Papa kei raro, Ko Rangī runga rā
Homai to aroha

12. Māku rā pea, māku rā pea

Māku rā pea, māku rā pea
Māku koe e awhi e
Ki te ara, ara tupu
Māku koe e awhi e

13. Mihi mai rā aku rangatira e

Mihi mai rā aku rangatira e, mihi mai ki ki runga rā
Kei te harakoa ki te kaupapa
Ngā taonga nā tātau katoa
Meatia tēnei hei tū whakaponono e
Whakapaingia te aroha e aue
Ka taunga te manawa, piki rere tonu ake
Nā te rangimarie

14. E te Hokowhitu-a-Tu, kia kaha rā

Kāti rā te hingahinga ki raro rā
Mau ngā whakaaro ki runga rawa
Hei arahi i te ara e tika ai
Whirinaki, whirinaki tātau katoa
Kia kotahi rā
Ngā marae e tū noa nei, ngā marae e tū noa nei
Aue rā e tama mā, te mamae te pouri nui
E patu nei i ahau inā (kia kotahi rā)
Ngarimu aue, anei o tamariki e, e tū atu nei
A hi aue aue



**TE REO IRIRANGI O
NGĀTI KAHUNGUNU**
765AM & 94.3FM

15. Haruru ana te rongopai nei

Haruru ana te rongopai nei, e tiahotia nei e te reo
Ki runga i ngā iwi o te motu nei
E kore e whakawai mai, e whakararu i te tikanga
Kei iri-iritia te ture wairua ki te ture tangata
Whakatiahotia rā e te rōpu rangatahi e
Ko te kaupapa o te māramatanga
Kia rite ki ngā ihi o te rā
Nō reira e ngā iwi kia tika te hoe mai i te waka nei
Kei pariparingia e te tai, ka moana nehu te kura

16. Me āta tuutuku e hine o taera

Me āta tukutuku e hine o taera
Kei mau tāua i te kati o te ture
Me wehe tāua kia mātaratara
Kia mutu ai te aroha e

17. Me he manu rere ahau e

Kua rere ki to moenga, ki te awhi i to tinana
Aue, aue e te tau tahuri mei
Kei te moe to tinana, kei te wake to wairua
Kei te hotu te manawa, aue aue e te tau tahuri mai

18. Pokarekare ana

Pokarekare ana ngā wai o Waiapu
Whiti atu koe e hine, marino ana e
E hine e, hoki mai rā, ka mate ahau i te aroha e

Kua whati taku pene, kua pau aku pepa
Ko taku aroha mau tonu ana e
E hine e, hoki mai rā, ka mate ahau i te aroha e

Tuhituhi taku reta, tuku atu taku rīngi
Kia kite to iwi, raruraru ana e
E hine e, hoki mai rā, ka mate ahau i te aroha e

E kore te aroha e maroke i te rā
Mākūkū tonu i aku roimata e
E hine e, hoki mai rā, ka mate ahau i te aroha e

19. Putiputi kaneihana e

Putiputi kaneihana e
Māku koe e kato e
Me he mea ko koe taku tau pūmau
Piri rawa ki taku uma e

20. Hurihuri hurihuri o mahara e

Hurihuri hurihuri o mahara e
Ki te kimi, ki te kimi i te tau e
Kore rawa kore rawa i aro mai e
Ki a koe rā e hine (2x)



**TE REO IRIRANGI O
NGĀTI KAHUNGUNU**
765AM & 94.3FM

21. Tahi nei taru kino

Tahi nei taru kino, mahi whaiaipo
Kei te wehenga, aroha kau ana
Haere mai rā ki ahau nei rā
He aroha tino nui, haere mai
Titiro atu au, ka huri kē koe
Kei roto i a koe pirangi mai ana
Haere mai rā ki ahau nei
He aroha tino nui, haere mai
Kore au e noho, hoatu i taku ringa
Kei huri kē koe whakakaitoa i muri
Haere mai rā ki ahau nei rā
He aroha tino nui, haere mai.

22. Mārama pai kei te hotu te manawa

Mārama pai kei te hotu te manawa
Ki o kanoahi papai, puru pai ki te rangi
Haere mai rā, ka haere tāua ki raro i ngā whetū
Kōrerorero atu ai e hine, aue, mārama pai

23. He aha kei taku uma

He aha kei taku uma e pātuki nei?
He aroha rā e hine
He aha ka uia e? (2x)
E rua nei aku ringa, e mau nei i ahau
Kotahi hei pera urunga
Kotahi hei awahi mai (hei awahi mai)
Kotahi hei awahi mai

24. Kua rongorongo ake ahau

Kua rongorongo ake ahau
E haere ana koe e taku tau
Whakawhiti ana Te Moananui-a-Kiwa e

Ka patupatu atu taku manawa
Ka whakarangirua i aku mahara
Aue tama ko taku aroha, kore rawa e mutu mai

Waiho rā mā te wā koutou e tama mā
E whakahoki mai
Kia awhiawhi atu aku ringa nei
Ki to uma piri ai

Ka patupatu atu taku manawa
Ka whakarangirua I aku mahara
Aue tama ko taku aroha, kore rawa e mutu mai



**TE REO IRIRANGI O
NGĀTI KAHUNGUNU**

765AM & 94.3FM

25. He wawata i ngā rangi nei

He wawata i ngā rangi nei
I kite au i a koe, e taku tumanako
E rere rā nga kapua, whaia te tau kei hea
E kore rawa e mutu, te aroha i ahau e

26. Tamariki Maori hei ha hei

Tamariki Maori hei ha hei
E haka atu nei hei ha hei
Hei matakitaki ma te iwi Pakeha
Whatiwhati to hope hei ha hei. (2x)

27. E papa Waiari taku nei mahi, taku nei mahi

E papa Waiari taku nei mahi, taku nei mahi
He tuku roimata
E aue, ka mate au, e hine hoki mai ra
Maku e kaute o hikoitanga (2x)
E aue, ka mate au, e hine hoki mai ra

28. E rere taku poi, kauria atu ra

E rere taku poi, kauria atu ra
Ngā riri o te moana e papaki mai nei
Ko taku aroha me kawē ki te tau
Kīa atu kia hoki mai (2x)

29. Taku wairua ora nei, tipu taku kino nei e

Taku wairua ora nei, tipu taku kino nei e
Aue te matakū e
Ka rekareka mātau e (2x)
Ka ru, ka ru ka te i au e (3x)
Ka haere ki te ora mōu

30. E te iwi e, whakarongo mai

E te iwi whakarongo mai, me whai mai tā koutou
I muri i tāku, nō reira (aue)
Pakia kia rite, waewae takahia
Ringaringa e torona kei waho hoki mai
Turi whatia, hope whai ake
Hei heihei ha!

31. Hokihoki tonu mai te wairua o te tau

Hokihoki tonu mai te wairua o te tau
Ki te awhi reinga ki tēnei kiri e, ki tēnei kiri e
Ka pinea koe e au ki te pine o te aroha
Ki te pine e kore nei e waikura e, e waikura e



**TE REO IRIRANGI O
NGĀTI KAHUNGUNU**
765AM & 94.3FM

32. E Waka e, kei whea rā koe?

E Waka e, kei whea rā koe?
Tēnei o tamariki e mahi nei i ngā mahi
I runga o te motu nei
Ka matua-koretia to iwi e
Ki runga o te motu nei

33. Moe mai e hika i to moenga roa

Moe mai e hika i to moenga roa
Raro i te rata mokemoke ai
Mā te Atua koe e tiaki mai
Moe mai e hika i to moenga roa

34. E tangi ana koe, hine e hine

E tangi ana koe hine e hine
E ngenge ana koe hine e hine
Kāti to pōuri rā, noho i te aroha
Te ngākau o te Matua
Hine e hine

35. Haere, haere rā e hine

Haere, haere rā e hine, haere rā ki pāmamao
Waiho au ki muri nei, tangi hotuhotu ai

36. E pari ra nga tai ki te akau

E pari rā ngā tai ki te ākau
E hotu rā ko taku manawa
Aue haria mai te aroha ki ahau
Te iwi e, he ngākau tangi noa.

Tēnā rā, tahuri mai, e te tau te aroha
Tēnei rā ahau te tangi nei mōhou kua wehea nei
Haere rā mahara mai, e te tau kia mau ki a au
Haere rā ka tuturu ahau, haere rā.

Ngaro noa koe e tama i ngā marae nei
Ko te aroha e tama e pēhi kino nei
Kei lhipa koe e tama, kei Karipori ra
Aue te mamae e tama, haere, haere rā

Haere ra e tama, haere ra Haria ra te aroha i ahau
Aue me tangi noa ahau ki muri nei
Haere ra e tama, haere ra.

Tēnā rā, tahuri mai, e te tau te aroha
Tēnei rā ahau te tangi nei mōhou kua wehea nei
Haere rā mahara mai, e te tau kia mau ki a au
Haere rā ka tuturu ahau, haere rā.



**TE REO IRIRANGI O
NGĀTI KAHUNGUNU**

765AM & 94.3FM

37. Māringi noa ngā roimata

Māringi noa ngā roimata mōhou kua wehea nei
Ka tangi tonu au ki a koe kia hoki mai anō
Māringi noa ngā roimata mōhou kua wehea nei

38. Tai timu, tai pari, taihoa e haere

Tai timu, tai pari, taihoa e haere
Kia mutu taku riringi roimata e
Ka pinea koe e au ki te pine o te aroha
Ki te pine e kore nei e waikura e

39. I runga i ngā puke

I runga i ngā puke, pā mai to reo
Hau maiangi i kawē mai
He reo aroha pātai ana mai
He aha tāu e pirangi nei?
Kia awhi kau atu ki to tinana i ngaro
E ngaro nei i ēnei rā
Ko tōu aroha, ko tōku aroha
Ka mutu pea, aue te pai

40. Pō atarau e moea iho nei

Pō atarau e moea iho nei
E haere ana koe ki pāmamao
Haere rā, ka hoki mai anō
Ki te tau e tangi atu nei